



2020.26.02.

Бухоро шаҳри

№ 94

**Ўзбекистон Республикаси Вазирлар Маҳкамасининг 2020 йил 20 февралдаги
104-сонли “Ташқи реклама бозорини тартибга солиш тўғрисида”ги қарори
ижросини таъминлаш ҳақида**

Ўзбекистон Республикаси Вазирлар Маҳкамасининг 2020 йил 20 февралдаги 104-сонли “Ташқи реклама бозорини тартибга солиш тўғрисида”ги қарори ижросини таъминлаш мақсадида

ҚАРОР ҚИЛАМАН:

1. Ўзбекистон Республикаси Вазирлар Маҳкамасининг 2020 йил 20 февралдаги 104-сонли “Ташқи реклама бозорини тартибга солиш тўғрисида”ги қарори раҳбарлик ва ижро учун қабул қилинсин.

2. Вазирлар Маҳкамасининг мазкур қарори билан:

Ташқи реклама объектларини (конструкцияларини) қуриш тартиби тўғрисидаги низом 1-иловага;

Ташқи реклама объектларини (конструкцияларини) қуриш учун бериладиган ер участкалари, давлат мулки бўлган бино ва иншоотлар рўйхатини шакллантириш тартиби тўғрисидаги низом 2-иловага;

Ташқи реклама объектларини (конструкцияларини) ер участкалари, давлат мулки бўлган бино ва иншоотларда қуриш ҳуқуқини электрон аукцион орқали бериш тартиби тўғрисидаги низом 3-иловага;

Ўрнатилган ташқи реклама объектлари (конструкциялари) учун тўловлар миқдорини аниқлаш тартиби тўғрисидаги низом 4-иловага;

Ташқи реклама объектлари (конструкциялари) хавфсизлигининг умумий техник регламенти 5-иловага мувофиқ тасдиқланганлиги;

Қуйидагилар белгиланганлиги:

а) мазкур қарор қабул қилингунга қадар қонун ҳужжатларига мувофиқ ташқи реклама объектларини (конструкцияларини) ўрнатиш учун тузилган шартномалар, берилган паспортлар, гувоҳномалар, сертификатлар, рухсатномалар ва ҳуқуқни белгилувчи бошқа ҳужжатларнинг амал қилишини узайтириш:

ер участкаларидаги ташқи реклама объектлари (конструкциялари) учун 10 йил муддатга, давлат мулки бўлган бино ва иншоотлардаги ташқи реклама объектлари (конструкциялари) учун 5 йил муддатга Давлат хизматлари марказлари орқали реклама жойлари паспортларини бериш;

Ўрнатилган ташқи реклама объектлари (конструкциялари) учун тўловлар миқдорини аниқлаш тартиби туғрисидаги низомга 2-иловада кўрсатиб ўтилган бир марталик йиғим суммасини тўлаш орқали амалга ошириш ҳамда ушбу маблағлар бир йил давомида ҳар ой тенг тақсимланган ҳолда туманлар (шаҳарлар) маҳаллий бюджетига ўтказиш;

б) қалбакилаштирилган ҳужжатлардан фойдаланилган ҳолда ташқи реклама объектларига (конструкцияларига) олинган паспортлар, гувоҳномалар, рухсатномалар ва ҳуқуқни белгиловчи бошқа ҳужжатлар, шунингдек, тегишли ваколатли органнинг қарорисиз ўрнатилган ташқи реклама объектлари (конструкциялари) бўйича ҳужжатларнинг муддатини узайтиришга рухсат берилмаслиги ва улар ҳақиқий эмас деб ҳисобланиши;

в) ер участкаларига ўрнатилган видео экранли ташқи реклама объектлари (конструкциялари) учун ушбу банднинг "а" кичик бандида кўрсатилган муддат кўшимча равишда 10 йилга узайтирилиши;

г) ер участкаларига ўрнатилган видео экранли ташқи реклама объектига (конструкциясига) ташқи рекламани жойлаштириш ҳуқуқи учун маҳаллий давлат ҳокимияти органлари томонидан белгиланадиган йиғим миқдорига 0,5 коэффицент қўлланилиши;

д) миллий байрамлар, хорижий давлатлар раҳбарларининг давлат ташрифлари ва бошқа давлат тадбирларига оид ахборот ташқи реклама объектларида (конструкцияларида) жойлаштирилганда, ташқи рекламани жойлаштириш ҳуқуқи учун ойлик йиғим миқдори тегишли ҳокимлик қарорига биноан жойлаштирилган кунларга мутаносиб равишда камайтирилиши;

е) ушбу Вазирлар Маҳкамаси қарори қабул қилингунга қадар қонуний равишда ўрнатилган барча ташқи реклама объектларини (конструкцияларини) мазкур қарор талабларига мослаштириш учун мазкур қарор қабул қилинган санадан бошлаб олти ой муддат берилиши ва шу муддатда белгиланган талабларга мослаштирилмаган реклама объектлари (конструкциялари) уларнинг эгалари томонидан ихтиёрий равишда ўз кучи билан олиб ташланиши (демонтаж қилиниши) ҳамда ер майдони тартибга келтирилиши, акс ҳолда қурилмалар суд тартибида тегишли ҳокимлик томонидан демонтаж қилиниши ва барча харажатлар реклама объектлари (конструкциялари) эгаларидан ундирилиши;

ж) мазкур қарор талабларига мувофиқ ҳолда битта реклама жойида бир нечта ташқи реклама объектлари (конструкциялари) қурилганлиги ва улар турли тадбиркорлик субъектларига тегишли эканлиги аниқланган тақдирда, қайта электрон аукцион ўтказиш орқали ушбу жойда фақат битта ташқи реклама объектини (конструкциясини) қуриш ҳуқуқи берилиши;

Вазирлар Маҳкамасининг 2020 йил 20 февралдаги 104-сонли “Ташқи реклама бозорини тартибга солиш тўғрисида”ги қарори талабларига мувофиқлиги юзасидан барча турдаги ташқи реклама объектларини (конструкцияларини) хатловдан ўтказиш бўйича махсус ишчи гуруҳининг

НАМУНАВИЙ ТАРКИБИ

Туман (шаҳар) ҳокимининг иқтисодиёт ва тадбиркорлик масалалари бўйича биринчи ўринбосари — Ишчи гуруҳи раҳбари

Туман (шаҳар) прокурори ўринбосари — Ишчи гуруҳи раҳбарининг ўринбосари

Ишчи гуруҳи аъзолари:

Туман (шаҳар) ички ишлар бўлими ўринбосари

Туман (шаҳар) маданият бўлими бошлиғи

Туман (шаҳар) қурилиш бўлими бошлиғи

Туман (шаҳар) ҳокимлиги ободонлаштириш бўлими бошлиғи

Туман (шаҳар) автомобиль йўллари бўлими бошлиғи

Туман (шаҳар) йўл ҳаракати хавфсизлиги бўлими бошлиғи

Туман (шаҳар) “Ермулккадастр” бўлими бошлиғи

Изоҳ: Ишчи гуруҳи раҳбари ва аъзолари бошқа лавозимга ўтганда, унинг таркибига мазкур лавозимга янги тайинланган ёки зиммасига тегишли функцияларни бажариш юқланган шахслар киритилади.

Хатлов ўтказиш жараёнига заруратга қараб, бошқа алоқадор идора ва ташкилотлар жалб қилиниши мумкин.

автомобиль йўлларининг ажратувчи бўлагида, хусусан, йўлнинг ёнма-ён жойлашган қатнов қисмларини ажратувчи, транспорт воситалари ҳаракатланиши ёки тўхташи учун мўлжалланмаган, йўл сатҳидан баланд ва (ёки) ётиқ чизиғи билан белгиланган қисмида ҳамда тротуар ва пиёдалар йўлкаларида, хавфсизлик оролчаларида ташқи реклама объектларини (конструкцияларини) ўрнатиш тақиқланиши, айланма ҳаракатланишли чорраҳалардаги хавфсизлик оролчалари бундан мустасно;

ижобий хулоса фақат жойлаштирилган ташқи реклама объектлари (конструкциялари) ушбу қарор талабларига тўлиқ мос келганда ҳамда улар бўйича тегишли кўрсатмага мувофиқ аввал аниқланган қоидабузарликлар бартараф этилган тақдирда берилиши;

ижобий хулоса Давлат хизматлари марказлари орқали реклама жойининг паспортини олиш учун асос бўлиши;

махсус ишчи гуруҳ аъзолари бериладиган хулосаларнинг қонунийлиги ва ишончлилиги, шунингдек, ташқи реклама объектлари (конструкциялари) паспортлари, гувоҳномалари, рухсатномалари ва ҳуқуқни белгиловчи бошқа ҳужжатларни бекор қилиш тўғрисидаги материалларни ўз вақтида Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларига тақдим этилиши учун шахсан жавобгарлиги;

ташқи реклама объектлари (конструкциялари) эгалари махсус ишчи гуруҳларнинг хулосалари ҳамда Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг ташқи реклама объектлари (конструкциялари) паспортлари, гувоҳномалари, рухсатномалари ва ҳуқуқни белгиловчи бошқа ҳужжатларни бекор қилиш тўғрисидаги қарорлари юзасидан суд тартибида шикоят қилиш ҳуқуқига эгаллиги;

Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари махсус ишчи гуруҳлар томонидан тузилган хулосалар асосида туманлар (шаҳарлар) ва вилоятлар бўйича ташқи реклама объектларининг (конструкцияларининг) маълумотлар базаси шакллантириш белгиланганлиги;

Ўзбекистон Республикаси қурилиш вазирлиги Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан тақдим этилган маълумотлар асосида Ташқи реклама объектларининг (конструкцияларининг) ягона электрон реестрини шакллантириши ва ўзининг расмий веб-сайтига жойлаштириши тартиби ўрнатилганлиги инобатга олинсин.

3. Туманлар (шаҳарлар) ҳокимликларига:

Вазирлар Маҳкамасининг 2020 йил 20 февралдаги 104-сонли “Ташқи реклама бозорини тартибга солиш тўғрисида”ги қарори талабларига мувофиқлиги юзасидан барча турдаги ташқи реклама объектларини (конструкцияларини) ҳатловдан ўтказиш бўйича махсус ишчи гуруҳини иловадаги намунавий таркибда мувофиқ тасдиқлаш;

ташки реклама объектларини (конструкцияларини) куриш учун бериладиган ер участкаларини ҳамда давлат мулки бўлган бино ва иншоотларни аниқлаш мақсадида ҳудудларни ўрганиш;

ташки реклама объектларини (конструкцияларини) жойлаштириш учун ер участкасидан фойдаланиш ҳуқуқини, шунингдек, давлат мулки бўлган бино ва иншоотларга реклама объектларини жойлаштириш ҳуқуқини белгилайдиган ҳужжатлар тайёрлаш;

ташки реклама объектларини (конструкцияларини) тизимли мониторинг қилишни ва уларни ноқонуний жойлаштириш ҳолатларини аниқлашни ташқи реклама объектларида (конструкцияларида) жойлаштирилган рекламалар, шу жумладан ижтимоий рекламалар ҳисобини юритиш;

йўлнинг қатнов қисмида жойлашган аҳоли турар-жой биноларининг ташқи қисмида (балкон, лоджия, дераза, эшик ва бошқа тарафига) ҳар қандай турдаги шахсий эълонларни жойлаштирилишга йўл қўймаслик чораларини кўриш;

ушбу соҳада аниқланган қонунбузарлик ҳолатлари бўйича тегишли чора кўриш учун вилоят Монополияга қарши курашиш бошқармасига таклифлар киритишни таъминлаш топширилсин.

4. Вилоят ҳокимининг биринчи ўринбосари Ф.Умаров, вилоят ҳокимининг ўринбосари Р.Асадов, вилоят прокурори Д.Файзиев, вилоят Монополияга қарши курашиш бошқармаси (Ў.Ҳамроев), вилоят ички ишлар бошқармаси (Ш.Алиев), вилоят маданият бошқармаси (Й.Генжаев), вилоят қурилиш бошқармаси (Х.Давлатов), вилоят Туризмни ривожлантириш бошқармаси (О.Бобокалонов), ташқи реклама операторлари манфаатларини ифода этувчи нодавлат нотижорат ташкилотлари ва бошқа манфаатдор ташкилотлар билан биргаликда:

ўн кун муддатда ҳар бир туман (шаҳар) бўйича махсус ишчи гуруҳлар (кейинги ўринларда махсус ишчи гуруҳлар деб аталади) тузган ҳолда, барча турдаги ташқи реклама объектларини (конструкцияларини) ушбу қарор талабларига мувофиқлиги юзасидан хатловдан ўтказишни;

хатлов натижалари бўйича жойлаштирилган ташқи реклама объектларининг (конструкцияларининг) ушбу қарор талабларига мувофиқлиги тўғрисида хулосалар (кейинги ўринларда хулоса деб аталади) берилишини;

ушбу қарор қабул қилингунга қадар қалбакилаштирилган ҳужжатлардан фойдаланилган ҳолда, ташқи реклама объектларига (конструкцияларига) олинган паспортлар, гувоҳномалар, рухсатномалар ва ҳуқуқни белгиловчи бошқа ҳужжатлар, шунингдек, тегишли ваколатли органнинг қарорисиз ўрнатилган ташқи реклама объектлари (конструкциялари) бўйича ҳужжатларни ўн календарь кун ичида бекор қилишни;

ташки реклама объектларини (конструкцияларини) жойлаштириш учун паспортлари, гувоҳномалари, сертификатлари, рухсатномалари ва ҳуқуқни белгиловчи бошқа ҳужжатлари бекор қилинган ёки ушбу ҳужжатлар мавжуд

бўлмаган (рухсатсиз ўрнатилган) ташқи реклама объектларини (конструкцияларини) ўттиз календарь кун ичида демонтаж қилиш бўйича зарур чоралар кўришни;

ташқи реклама объектлари (конструкциялари) эгаларига ушбу қарор талабларига жавоб бермайдиган ҳолатларни ушбу қарор қабул қилинган санадан бошлаб олти ой ичида бартараф этиш тўғрисида кўрсатмалар беришни;

бир ой муддатда ишчи гуруҳлар томонидан амалга оширилган ишлар ва маъмурий ҳудудда ташқи рекламани жойлаштиришни тартибга солиш бўйича кўрилган чора-тадбирлар натижалари тўғрисида Вазирлар Маҳкамасига батафсил ахборот киритилишини таъминласин.

5. Вилоят ҳокимлиги Молия бош бошқармаси (Б.Адилов), вилоят Ғазначилик бошқармаси (Ж.Жумаев) ташқи рекламани жойлаштириш ҳуқуқи учун ойлик йиғимлар суммалари ўрнатилган ташқи реклама объектлари (конструкциялари) учун реклама жойлари паспортларини беришдан тушадиган маблағлар, шунингдек, ташқи реклама объектларини (конструкцияларини) қуриш ҳуқуқи учун электрон аукцион яқунлари бўйича маблағлар тушиши учун ўн иш кунинда туманлар (шаҳарлар) ҳокимликларига шахсий ғазна ҳисобварақларини очсин.

6. Вилоят телерадиокомпанияси (Ф.Аминов), “Бухоронома” ва “Бухарский вестник” газеталари таҳририяти (Ш.Сулаймонов)га Вазирлар Маҳкамаси мазкур қарорнинг мазмуни ва моҳиятини оммавий ахборот воситаларида кенг ёритиб бориш тавсия қилинсин.

7. Мазкур қарор ижросининг назоратини ўз зиммамда қолдираман.

Вилоят ҳокимининг
биринчи ўринбосари в.б.



Ф.Умаров